

Reglugerð þessi, sem samþykkt er af hreppsnefnd Blönduóshrepps, staðfestist hér með samkvæmt lögum nr. 10 25. janúar 1952, um heimilishjálp, og birtist til eftirbreytni þeim, sem hlut eiga að máli.

*Félagsmálaráðuneytið, 20. janúar 1962.*

F. h. r.

**Hjálmar Vilhjálmsson.**

Jón S. Ólafsson.

## G J A L D S K R Á

fyrir Rafveitu Siglufjarðar.

### I. RAFORKA

Rafveita Siglufjarðar selur raforku á orkuveitusvæði sínu á þann hátt og við því verði sem hér segir:

#### A. Lýsing.

Um kwst.mæli á 300 aura hverja kwst.

#### B. Almenn heimilisnotkun.

- Um tvönnu kwst.mæla, annan til ljósa og hinn til suðu og hitunar þannig reiknað:

Fyrir notkun um ljósamælinn .....	300	aura á kwst.
— — — suðumælinn .....	70	— — —

Suðu- og hitunartæki, sem tengd eru við suðumælinn, skulu vera fasttengd. Þó má tengja eldavél um sérstakan 25 Amp. eldavélatengil og hafa einn tengil í eldhúsinu að auki fyrir suðutæki, strokjárni o. þ. h.

- Um einn kwst.mæli fyrir alla notkun á heimilinu þannig reiknað:

a. Fastagjald af gólfleti íbúðar .....	75	aurar á m <sup>2</sup> á mán.
b. Orkugjald .....	55	— — kwst.

Við ákvörðun á gólfleti íbúðar reiknast öll íveruherbergi, eldhús, gangur og baðherbergi, en ekki geymslur og þvottahús. Íveruherbergi, sem um stundarsakir standa auð, eða eru notuð sem geymslur, skal reikna sem íbúðarherbergi. Tekið skal tillit til, ef um súðarherbergi eða því líkt er að ræða.

#### C. Vélanotkun.

- Um kwst.mæli á 160 aura hverja kwst.
- Ef um mikla orkunotkun er að ræða, svo sem til frystihúsa, og kaupandinn skuldbindur sig til að kaupa 20 000 kwst. á ári hið minnsta, má selja orkuna um kwst.mæli þannig:

Fyrir fyrstu	20 000	kwst. ársnotkun	93	aurar á kwst.
— næstu	30 000	—	88	— — —
— —	50 000	—	79	— — —
— —	100 000	—	66	— — —
— umfram	200 000	—	56	— — —

Verð þetta miðast við, að útsöluverð á diselolíu á Siglufirði sé 155 aurar lítrinn heimkeyrt, en fyrir hver full 10%, sem olíuverðið lækkar eða hækkar frá því verði, lækkar eða hækkar verð orkunnar um 10%.

#### D. Hitun.

Um kwst.mæli (séræli fyrir hitalögnina) á:

1. 40 aura hverja kwst.
2. 35 aura hverja kwst. gegn því skilyrði, að straumurinn sé rofinn með klukkurofa í allt að 3 klukkustundum hvern sólarhring, samkvæmt nánari ákvörðun rafveitustjóra. Notandinn setji klukkurofa fyrir hitalögnina og kosti viðhald rofans. Þó getur rafveitustjóri ákveðið, að rafveitan leggi til klukkurofa og kosti viðhald hans, og kostar þá notandinn tengingu rofans og greiðir leigu af honum samkvæmt reglum, er gilda um leigu mæla.
3. Rafveitunni er heimilt að selja raforku til hitunar yfir mánuðina maí—nóv., eða meðan vatn er yfirfljótanlegt, á 20 aura kwst.
 

Önnur skilyrði fyrir raforkusölu til hitunar:

  - a. Að vélaafli, spennar og línur þoli álagið að dómi rafveitustjóra.
  - b. Að tæki, lagnir og allur búnaðar í sambandi við rafmagnshitunina sé samkvæmt fyriræmum rafveitunnar.

#### E. Önnur raforkunotkun.

1. Rafveitustjóri getur með sérstökum samningi selt raforku þeim notendum, sem hafa eigin vélar til orkuvinnslu, með því skilyrði, að stöðva megi orkusöluna til þeirra, hvenær sem þarf, að dómi rafveitustjóra.
2. Til nota um vinnulagnir við byggingar, meðal á byggingu stendur, um kwst.-mæli á kr. 1.60 hverja kwst.
3. Til lýsingar gatna, hafnar, skóla, sundlaugar, sjúkrahúsa og kirkna um kwst.-mæli á kr. 1.20 hverja kwst.
4. Til fiskþurrkunarhúsa selst raforkan til hreyfla eftir gjaldskrárlið C 2, en fyrir hita til þurrkunar eftir D 2.

Alla raforkunotkun, sem ótalin er og ekki kemst undir aðra liði þessarar gjaldskrár, skal selja eftir gjaldskrárlið A. Þegar sérstaklega stendur á, má rafveitustjóri þó, að tilskyldu samþykki rafveitunefndar, selja raforku eftir sérstökum samningi í hvert sinn, en eigi lengur en til eins árs í senn.

## II. MÆLALEIGA

Rafveitustjóri ákveður stærð og gerð mælitækja, sem nota skal fyrir hverri veitu, og er sú ákvörðun skuldbindandi fyrir notandann, sem skal greiða leigu af mælitækjum sem hér segir:

1. Af einfasa mælum upp að 30 Amp. ....	kr. 4.00 á mánuði.
2. — þrífasa — 50 Amp. og minni .....	— 6.00 — —
3. — — — 50 til 100 Amp .....	— 15.00 — —
4. — — — yfir 100 Amp. ....	— 20.00 — —

Af öðrum mælitækjum en þeim, sem nefnd eru, skal ársleiga vera sem næst 20% af verði mælitækjanna.

### III. HEIMTAUGARGJALD

Af hverri húsveitu, sem tengd er við rafveituna, skal greiða heimtaugargjald, sem miðast við flutningsgetu raftaugar þeirrar, sem að húsinu liggur, svo sem hér segir:

	Flutningsgeta raftaugar	Heimtaugargjald	Yfirlengdargjald
25 A	loftlínuheimtaug einfasa .....	kr. 1200.00	1600 kr. á stólpa.
60 A	— — — .....	— 2400.00	2800 — — —
60 A	jarðstrengur þrífasa .....	— 3800.00	220 — — meter.
100 A	— — — .....	— 4900.00	250 — — —
200 A	— — — .....	— 9900.00	410 — — —
350 A	— — — .....	— 17400.00	560 — — —

Yfirlengdargjaldið greiðist, þegar lengd jarðstrengs fer fram úr 15 m eða lengd loftlínuheimtaugar fer fram úr 40 m. Lengd jarðstrengs mælist frá lóðarmörkum viðkomandi húss, en lengd loftlínu við stólpa þann, er næstur stendur utan lóðarinnar.

Ef lagðar eru fleiri en ein heimtaug að sama húsi, greiði húseigandi allan kostnað við síðari heimtaugina samkvæmt reikningi.

Þau hús, sem áður hafa greitt heimtaugargjald samkvæmt reikningi, greiði aðeins mismuninn, ef loftlínu er breytt í jarðstreng. En þau hús, sem ekki hafa greitt heimtaugargjald, greiði það þegar þau hafa fengið heimtaug sína endurbyggða.

Gjald fyrir heimtaug fellur í gjalddaga, þegar uppsetningu taugar er lokið og áður en straumi er hleypt á heimtaugina.

### IV. OPNUNARGJALD

1. Hafi gjald samkvæmt gjaldskrá þessari ekki verið greitt, svo að til lokunar hafi komið fyrir veitu, skal taka gjald fyrir enduroppnun 50 krónur.
2. Ef fundin eru óleyfileg eða of stór vör við skoðun, skal veitunni lokað tafarlaust, og verður hún ekki enduroppnuð fyrr en notandinn hefur greitt 50 króna gjald í skrifstofu rafveitunnar.

### V. SÖLUSKATTUR

3% söluskattur er innifalinn í öllum ofangreindum verðum.

### VI. BREYTINGAR

1. Gjöld samkvæmt d-liðum I. kafla gjaldskrárinnar breytast með útsöluverði á díselolíu á Siglufirði, þannig að þau teljist jafngilda verðinu kr. 1.55 á lítra, en hækki eða lækki um 10% fyrir hver full 10%, sem olíuverðið hækkar eða lækkar.
2. Bæjarstjórn er heimilt að hækka eða lækka öll gjöld, sem ákveðin eru í gjaldskrá þessari, um allt að 20%, án sérstakrar staðfestingar ráðuneytisins, enda auglýsi bæjarstjórnin breytinguna í Lögbirtingablaðinu, áður en til hennar kemur.

Gjaldskrá þessi, sem bæjarstjórn Siglufjarðarkaupstaðar hefur samið og samþykkt, staðfestist hér með samkvæmt vatnalögum nr. 15 20. júlí 1923, og raforkulögum, nr. 12 2. apríl 1946, til þess að öðlast þegar gildi og birtist til eftirbreytni öllum þeim, sem hlut eiga að máli.

Jafnframt er úr gildi numin gjaldskrá fyrir Rafveitu Siglufjarðar, nr. 75 29. apríl 1953.

*Atvinnumálaráðuneytið, 20. janúar 1962.*

**Gunnar Thoroddsen.**

*Porv. K. Þorsteinsson.*

## **REGLUGERÐ**

### **um heimilishjálp í Höfðahreppi.**

#### **1. gr.**

Kvenfélag Höfðahrepps eða sérstök nefnd fer með stjórn heimilishjálpar í Höfðahreppi undir yfirstjórn hreppsnefndar Höfðahrepps.

Dagleg umsjón með framkvæmdum heimilishjálparinnar í Höfðahreppi er í höndum formanns kvenfélags hreppsins, eða formanns sérstakrar nefndar og á hann rétt á að sitja fundi hreppsnefndar, þegar rædd eru mál, sem varða heimilishjálpinu og hafa þar málfrelsi og tillögurétt.

#### **2. gr.**

Hlutverk heimilishjálparinnar er að veita hjálp á heimilum, þegar sannað er með vottorði læknis, ljósmóður eða á annan hátt, sem forstöðukona heimilishjálparinnar tekur gildan, að hjálpar sé þörf um stundar sakir vegna sjúkdóma, barnsburðar, slysa, dauðfalls eða af öðrum ástæðum. Hjálp skal að jafnaði ekki veitt til lengri tíma í senn en 14 daga.

#### **3. gr.**

Heimilishjálpin skal jafnan leitast við að hafa til taks eina konu til heimilishjálpar. Forstöðukonunni ber að ganga örugglega úr skugga um, að konur þær, sem heimilishjálp stunda á vegum hreppsins, séu hæfar til starfsins og hafi heilbrigðisvottorð héraðslæknis.

Um launakjör og hlunnindi starfsfólks heimilishjálparinnar fer eftir ákvörðun hreppsnefndarinnar.

#### **4. gr.**

Hreppsnefnd Höfðahrepps ber ekki fjárhagslega ábyrgð á tjóni, sem konur þær, er vinna á vegum heimilishjálparinnar, kunna að valda við störf sín.

#### **5. gr.**

Stjórn heimilishjálparinnar ákveður hvert form skuli vera á umsóknum um heimilishjálp. Hreppsnefnd Höfðahrepps getur veitt undanþágur eða eftirgjöf á greiðslu fyrir heimilishjálp að nokkru eða öllu leyti, að fengnum tillögum forstöðukonu heimilishjálparinnar.

#### **6. gr.**

Fyrir heimilishjálp skal greitt eftir gjaldskrá, er hreppsnefnd Höfðahrepps setur og ráðherra staðfestir. Hreppsnefndin setur nánari reglur um greiðslur, innheimtu og annað, er hún telur máli skipta í þessu efni.

#### **7. gr.**

Reikningar heimilishjálparinnar skulu endurskoðaðir árlega með sama hætti og reikningar sveitarsjóðs.